

Injil untuak anak-anak
hadiah



Dari
panganiayo
manjadi
Pancaramah



Ditulih oleh: Edward Hughes

Diilustrasikan oleh: Janie Forest
Alastair Paterson

Diadaptasi oleh: Ruth Klassen


Diterjemahkan oleh: Yulia Anggraini

Diproduksi oleh: Bible for Children
www.M1914.org

©2023 Bible for Children, Inc.

Lisensi: awak punyo hak manyalin atau mancetak carito iko,
salamo awak indak manjual nyo.





Tuhan mangarajoan
pabuatan-pabuatan yang
gadang lewat umaikNyo, di
gereja mulo-mulo. Surang
laki-laki, banamo Filipus, inyo
sangaik sibuk mancaritoan

kapado banyak urang
di kota mangenai
Yesus. Tapi Tuhan
mangirim inyo ka
padang gurun,
Kenapa?



Tuhan tau ado surang
yang sadang dalam
pajalanan di Padang gurun,
Surang panguaso di bawah
pamarintahan Ratu Kandake
dari Etiopia. Inyo dalam
pajalanan pulang dan sadang
mambaco sabuah buku yang
istimewa.

Bisakah kau
manebak buku
apokah itu?



Katiko
Filipus
manaati
Tuhan,
Tuhan
mamimpin
inyo langsung
ka panguaso yang
sadang mambaco
firman Tuhan tanpa mangarati
artinyo. Inyo mangundang Filipus
untuak bagubuang jo inyo.



"Apakah artinya iko?" panguaso itu batanyo ka Filipus. Salamo kereta itu taguncang-guncang di sapanjang pajalanan di padang gurun, Filipus mulai mangecek dari ayaik-ayaik firman Tuhan itu, Filipus bacaramah tantang Yesus kapadonyo.





Dengan capek
pangwaso Afrika itu
mampicayoi pasan dalam
Alkitab, Kalau Yesus Kristus
adolah Anak Allah. Tibo di
sabuah mato aia, inyo bakato,
"Apokah alangannyo kalau aku dibaptis? "



Sasudah itu Filipus bakato, "Kalau Tuhan picayo jo saganok hati, buliah," Katiko panguaso itu manjawek. "Aku picayo, Kalau Yesus Kristus adolah Anak Allah," Sasudah itu Filipus mambawo inyo ka aia dan mambaptisnyo.






Sacapeknyo, sasudah
urang-urang itu kalua dari aia,
Roh Tuhan tibo-tibo malarian
Filipus, dan panguaso dari
Afrika itu indak mancaliak
inyo lai. Panguaso itu baliak
ka Etiopia
jo sukocito.



Tapi babarapo urang mambanci urang-urang kristen. Stefanus, salah surang kawan Filipus, dibunuah oleh urang-urang yang berang yang indak mainginan inyo mancaritoan tantang Yesus. Surang laki-laki banamo Saulus dari Tarsus mambantu untuak mambunuah Stefanus.



Saulus, Bakobar-kobar
hatinyo untuak mangancam
dan mambunuah urang-urang
kristen, Inyo pai ka imam
gadang dan maminta surek
kuaso darinyo untuak manahan
laki-laki jo padusi yang
mangikuiki Yesus.






Saulus dari Taurus
yang malang! Inyo
indak tau kalau
katiko inyo malukoi
umaik Tuhan,
sasungguahnyo
inyo mambuek
sakik Tuhan Yesus.
Tuhan harus
maantian Saulus,
tapi baa?



Tuhan "manahan" Saulus!
Samantaro Saulus dalam
pajalanan ka kota Damsyik,
Tuhan mancaliakan suatu
sinar yang lua biaso dari
sarugo. Saulus jatuah ka
tanah. Sasudah itu
tadangalah satu suaro.





"Siapakah
Engkau

Tuhan?" Saulus batanyo. "Akulah Yesus
yang kau aniayo." Dengan manggaretek dan
kaheranan, Saulus manjawek, "Tuhan, apo
yang kau ingin aku karajoan?" Dan Tuhan
bakato ka inyo, "Bangkiklah dan pailah
ka dalam kota, disitu akan dikatoan
kapadomu, apo yang harus kau pabuek."



Urang-urang yang basamo
Saulus mandanga suaro pulo,
tapi indak mancaliak
surang urang pun.
Saulus bangkik
dari tanah dan
mandapeki dirinyo
manjadi buto!
Urang-urang itu
manuntun inyo
masuak ka
Damsyik.



Di dalam kota, Saulus
salamo tigo hari indak
bisa mancaliak dan indak
bisa makan dan minum.
Mungkin inyo manggunoan
wakatunyo untuak badoa
ka Tuhan Yesus yang
manamuinyo di Damsyik.



Tuhan marencanaan kasadonyo.
Di Damsyik ado surang murik
yang banamo Ananias. Tuhan
mangiriman inyo untuak
manolong Saulus. Ananias
maraso takuik. Tapi inyo
manaati Tuhan. Katiko
inyo manumpangan
tangan di ateh
Saulus.
Kabutoannyo
disambuahan dan
Saulus dipanuahi
jo Roh Kudus.



Saulus dibaptis. Sasudah
itu urang-urang itu makan.
Dan katiko inyo salasai
makan inyo maraso kuek.
Saulus mamaraluan
kekuatan. Inyo mampunyo
sesuatu yang sangai
penting untuak dikarajoan.



Dengan capek Saul bacaramah tantang
kristus di rumah-rumah ibadah,
dengan mangatoan kalau Kristus
adalah Anak Allah. Sasudahnyo
kasado urang yang mandanga
manjadi heran, dan bakato,
"Bukankah inyo iko yang
mambinasoan
urang-urang
Kristen?"

Dan
babarapo
rencana
disusun

untuak
mambunuah
Saulus.





Musuah-musuah Saulus yang baru manjago pintu masuak kota untuak mambunuah Saulus kalau inyo mancubo untuak maninggaan kota. Tapi kawan-kawan baru Saulus, urang-urang Kristen, mambawonyo dan manurunan inyo dari ateh tembok dalam sabuah karanjang yang gadang.





Dan sajak itu,
Saulus si
panganiayo urang
kristen iduik
sabagai pangikuik
yang bariman ka
Tuannyo yang
baru, Tuhan
Yesus Kristus.



Dari panganiayo manjadi Pancaramah
Sabuah carito dari firman tuhan, Injil

Didapekan di
Kisah Para Rasul 8-9

"Jalan masuak firman-firmanNyo mambarikan
cahayo." Mazmur 119:130



Tamat



Injil bacarito kapado kito tentang Tuhan kito nan sangaik hebat, nan manciptakan kito, dan Baliau andak awak mangenal-Nyo.

Tuhan tau kito mangarajokan nan indak elok, nan Beliau katoan doso. Hukuman babuek doso iolah mati, tapi Tuhan sangaiklah cinto kapado awak, Baliau mautuih anak semato wayang-Nyo, Yesus, untuak mati disalib dan dihukum ateh dosonyo surang. Sasudah itu Yesus iduik baliak, dan babaliak ka rumah, di sarugo! Apobilo awak picayo kapado Yesus, dan maminto-Nyo untuak mamaafkan doso-doso awak, Baliau andak mambueknyo! Baliau andak tibo dan iduik di dalam diri awak surang, dan awak andak iduik basamo-Nyo salamonyo.

Jiko awak picayo bahwo iko iolah sabuah kebenaran, kecekan iko kapado Tuhan: Ya Yesus, Ambo picayo bahwo Engkau iolah Tuhan, dan manjadi saurang manusia nan mati untuak doso awak, dan kini Engkau iduik baliak. Ambo mohon tibo ka dalam iduik awak dan maafkan doso-doso awak, sahinggo ambo mandapek kahidupan nan baru, dan suatu hari isuak bisa basamo-Nyo salamonyo. Tolong ambo untuak mamatuhi Engkau dan iduik untuak Engkau sabagai anak Engkau. Amin.

Baca Injil dan berbicara dengan Tuhan setiap hari! John 3:16

